

大方廣佛華嚴經卷第十

伏十

唐罽賓國三藏般若奉詔譯

入不思議解脫境界普賢行願品

爾時善財童子受妙見比丘教已憶持不忘
伏十

思惟修習決定明了於彼法門隨順悟入天
龍夜義乾闥婆等眷屬圍繞漸次前行向圓
滿多聞國入妙門城周徧推求根自在主童
子時虛空中天龍神等告善財言善男子今
此童子在河渚上與諸童子聚沙爲戲爾時
善財聞是語已即詣其所見彼童子十千童

子前後圍繞聚沙爲戲見已親近頂禮其足
繞無數帀合掌前立白言聖者我已先發阿
鞞多羅三藐三菩提心而未知菩薩云何學
菩薩行修菩薩道我聞聖者善能誘誨唯願
慈哀爲我解說自在主言善男子我昔曾於
文殊師利童子所修學算數印相等法即得
悟入一切工巧神通智門善男子我因此故
知諸世間所有聲論內明因明醫方明等文
字算數契印取與種種智論亦知一切藥毒
蟲毒和合銷解亦能療治風癘瘡瘍鬼魅所

著如是所有一切諸病亦能建立城邑聚落
形勝所居市肆鄺里園林池沼義堂福舍臺
榭樓觀宮殿屋宅窓牖門闈種種莊嚴亦善
駕御駟馬車乘鬪戰之法安危進止取捨勝
負亦善調鍊種種仙藥幻術變化亦善營理
田農商賈種種諸業亦善禮儀尊卑次序亦
知衆生身相吉凶業行善惡亦知衆生具足
一切善不善根亦知衆生善趣惡趣種類差
別亦善了知一切賢聖清淨業道此人應得
聲聞乘道此人應得辟支佛道此人應得菩

薩乘道此人應入如來智地如是乃至真俗
二諦皆悉能知亦知一切諸寂靜衆軌儀法
式時非時食應所不應以自攝養而延壽命
亦知世俗治生方法經理資產出處貴賤亦
知自他過去受身中有分住入胎住胎經生
差別亦知未來一切衆生死此生彼死彼生
此從彼處歿還生於彼從此處歿還生於此
亦知過現一切諸佛差別法門種種安布教
授教誡調伏衆生能令堅固隨順修持越生
死流到涅槃岸身心清淨如鍊真金光明普

照廣大成就善男子我復善知十八巧種
種技術并六十二眷屬明論及內明等一切
方法治內煩惱何等名爲內身煩惱有四因
緣一謂眼根攝受色境二由無始取著習氣
三由彼識自性本性四於色境作意希望由
此四種因緣力故藏識轉變識波浪生譬如
瀑流相續不斷善男子如眼識起一切根識
微塵毛孔俱時出生亦復如是譬如明鏡頓
現衆像諸識亦爾或時頓現善男子譬如猛
風吹大海水波浪不停由境界風飄靜心海

起識波浪相續不斷因緣相作不相捨離不
一不異如水與波由業生相深起繫縛不能
了知色等自性五識身轉彼阿賴耶終不自
言我生七識七識不言從賴耶生但由自心
執取境相分別而生如是甚深阿賴耶識行
相微細究竟邊際唯諸如來住地菩薩之所
通達愚法聲聞及辟支佛凡夫外道悉不能
知善男子我又善知一切聲論音聲語言內
外因起名字訓釋普偏無窮假使帝釋於梵
天所聽受聲明盡其天壽足滿千歲亦不能

知聲論邊際我一念頃以此筭法悉能了知
盡其源底善男子彼復教我菩薩筭法所謂
百千爲一洛义一百洛义爲一俱胝俱胝俱
胝爲一阿庾多阿庾多阿庾多爲一那由他
那由他那由他爲一頻婆羅頻婆羅頻婆羅
那由他那由他爲一頻婆羅頻婆羅頻婆羅
爲一矜羯羅矜羯羅矜羯羅爲一阿伽羅阿
伽羅阿伽羅爲一微濕伐羅微濕伐羅微濕
伐羅爲一鉢囉伐羅鉢囉伐羅鉢囉伐羅爲
一鉢囉鉢囉鉢囉鉢囉爲一婆縛羅婆縛
羅婆縛羅爲一阿婆羅阿婆羅阿婆羅爲一

多婆羅多婆羅多婆羅爲一優鉢彌耶優鉢
彌耶優鉢彌耶爲一阿枲摩阿枲摩阿枲摩
爲一普摩普摩普摩爲一楠摩楠摩楠摩爲
一阿婆鈴阿婆鈴阿婆鈴爲一微婆伽微婆
伽微婆伽爲一微婆奢微婆奢微婆奢爲一
沒哩縛迦沒哩縛迦沒哩縛迦爲一那賀羅
那賀羅那賀羅爲一毗邏伽毗邏伽毗邏伽
爲一彌縛伽彌縛伽彌縛伽爲一毗伽婆毗
伽婆毗伽婆爲一僧羯邏摩僧羯邏摩僧羯
邏摩爲一毗薩羅毗薩羅毗薩羅爲一毗瞻

婆毗曇婆毗曇婆爲一慈祇伽慈祇伽慈祇
伽爲一毗盛伽毗盛伽毗盛伽爲一毗嚩陀
毗嚩陀毗嚩陀爲一微皤訶微皤訶微皤訶
爲一微薄帝微薄帝微薄帝爲一毗佉捨^{伏十}毗
佉捨毗佉捨爲一都邏那都邏那都邏那爲
一阿覩馳阿覩馳阿覩馳爲一縛邏那縛邏
那縛邏那爲一微皤蘭微皤蘭微皤蘭爲一
三末耶三末耶三末耶爲一微覩羅微覩羅
微覩羅爲一奚婆羅奚婆羅爲一陁
陁羅陁羅陁羅爲一微度栗娜微度栗

娜微度栗娜爲一奢彌陁奢彌陁奢彌陁爲
一你呴縛囉你呴縛囉你呴縛囉爲一微者
囉微者囉微者囉爲一微舍囉微舍囉微舍
囉爲一微你薩多微你薩多微你薩多爲一
阿飄孽哆阿飄孽哆阿飄孽哆爲一微悉步
多微悉步多微悉步多爲一泥縛囉泥縛囉
泥縛囉爲一波哩殺陁波哩殺陁波哩殺陁
爲一微目差微目差微目差爲一鉢哩哆鉢
哩哆鉢哩哆爲一喝哩哆喝哩哆喝哩哆爲
一阿嚩迦阿嚩迦阿嚩迦爲一印結哩耶印

黠哩耶印黠哩耶爲一系嚧迦系嚧迦系嚧
迦爲一奴囉那奴囉那奴囉那爲一阿嚧那
阿嚧那阿嚧那爲一婆嚧陀婆嚧陀婆嚧陀
爲一謎嚧陀謎嚧陀謎嚧陀爲一乞羣耶乞
羣耶乞羣耶爲一阿差目多阿差目多阿差
五
六十一
目多爲一翁嚧婆耶翁嚧婆耶翁嚧婆耶爲
一微麼嚧耶微麼嚧耶微麼嚧耶爲一曼弩
婆耶曼弩婆耶曼弩婆耶爲一微灑駛耶微
灑駛耶微灑駛耶爲一三麼陀三麼陀三麼
陀爲一鉢囉麼呾羅鉢囉麼呾羅鉢囉爲一

羅爲一阿囉麼呾羅阿囉麼呾羅阿囉麼呾
羅爲一勃麼呾囉勃麼呾囉勃麼呾囉爲一
阿畔麼呾囉阿畔麼呾囉阿畔麼呾囉爲一
伽麼呾囉伽麼呾囉伽麼呾囉爲一那麼呾
囉那麼呾囉那麼呾囉爲一奚麼呾囉奚麼
呾囉奚麼呾囉爲一靳麼怛囉鞬麼怛囉鞬
麼怛囉爲一鉢囉麼呾羅鉢囉麼呾羅鉢囉
爲一翁囉翁囉翁囉爲一薛羅薛羅薛羅爲
一帝羅帝羅帝羅爲一偈羅偈羅偈羅爲一

宰步囉宰步囉宰步囉爲一制羅耶制羅耶
制羅耶爲一泥羅泥羅泥羅爲一計羅計羅
計羅爲一細羅細羅細羅爲一媿羅媿羅媿
羅爲一謎羅謎羅爲一婆邏茶婆邏茶
婆邏茶爲一謎嚧陀謎嚧陀謎嚧陀爲一冥
嚧陀冥嚧陀冥嚧陀爲一契嚧陀契嚧陀契
嚧陀冥嚧陀冥嚧陀爲一摩覩羅摩覩羅摩
嚧陀爲一摩覩羅摩覩羅摩覩羅爲一珠嚧
嚧陀爲一珠嚧多珠嚧多爲一娑母羅娑母羅
娑母羅爲一阿野婆阿野婆阿野婆爲一迦麼
迦麼羅迦麼羅爲一摩伽婆摩伽婆摩伽婆

爲一阿婆囉阿婆囉阿婆囉爲一系嚧婆系
嚧婆系嚧婆爲一吠噓婆吠噓婆吠噓婆爲
一迦蒞嚧羅迦蒞嚧羅迦蒞嚧羅爲一阿婆
羅阿婆羅阿婆羅爲一毗婆囉毗婆囉毗婆
囉爲一那婆羅那婆羅那婆羅爲一寧畔多
寧畔多寧畔多爲一摩婆羅摩婆羅摩婆羅
六十
爲一婆囉那婆囉那婆囉那爲一勃邏摩勃
邏摩勃邏摩爲一勃邏摩那勃邏摩那勃邏
摩那爲一微伽摩微伽摩微伽摩爲一鄖波
跋多鄖波跋多鄖波跋多爲一你哩泥捨你

哩泥捨你哩泥捨爲一阿差耶阿差耶阿差
耶爲一三姥駄三姥駄三姥駄爲一阿畔多
阿畔多阿畔多爲一阿縛摩娜阿縛摩娜阿
縛摩娜爲一優鉢羅優鉢羅優鉢羅爲一波
頭摩波頭摩波頭摩爲一僧祇僧祇僧祇爲
一阿婆儉弭耶阿婆儉弭耶阿婆儉弭耶爲
一孽馳孽馳孽馳爲一阿僧祇阿僧祇阿僧
祇爲一阿僧祇轉阿僧祇轉阿僧祇轉爲一
無量無量無量爲一無量轉無量轉無量轉
爲一無邊無邊無邊爲一無邊轉無邊轉無

邊轉爲一無等無等無等爲一無等轉無等
轉無等轉爲一不可數不可數不可數爲一
不可數轉不可數轉不可數轉爲一不可稱
不可稱不可稱爲一不可稱轉不可稱轉不
可稱轉爲一不可思不可思不可思爲一不
可思轉不可思轉不可思轉爲一不可量不
可量不可量爲一不可量轉不可量轉不可
量轉爲一不可說不可說不可說爲一不可
說轉不可說轉不可說轉爲一不可說不可
說此又不可說不可說爲一不可說不可說

轉善男子我復以此菩薩所知算數之法分別算知無數由旬廣大沙聚顆粒多少亦能算知十方盡虛空所有世界種種安立差別次第亦能算知十方所有一切世界廣狹大小種種分量及以名字差別不同所謂一切劫名一切佛名一切法名一切諦名一切業名一切菩薩名一切衆生名皆悉了知通達無礙善男子我唯知此一切工巧大神通智光明法門如諸菩薩摩訶薩能知一切諸衆生數及知一切諸衆生名能知一切法品類

數及知一切法品類名能知三世諸時劫數及知三世諸時劫名能知一切諸如來數及知一切諸如來名能知一切諸菩薩數及知一切諸菩薩名亦能算知一切世界染淨成壞相續次第一切時分日月年劫相續次第一切諸佛出興名號相續次第一切諸佛所轉法輪相續次第一切菩薩發心行道相續次第一切菩薩成熟衆生相續次第一切衆生所造因業相續次第一切衆生所受果報相續次第如是乃至一切名相展轉出生無

盡緣起相續次第如是菩薩所得算數自在法門自利利他廣大饒益能令衆生隨順悟入次第成熟究竟解脫而我何能說其功德示其所行顯其境界彰其勝力辯其樂欲宣其助道發其大願闡其妙行演其諸度讚其清淨開其殊勝智慧光明如是菩薩所有功德乃至少分尚不能知豈能盡知一切諸佛勝妙威神大功德海圓滿一切諸佛福智寶聚波羅蜜證悟諸佛如燈照現無礙法界演說諸佛廣大清淨自在法輪遊戲諸佛最

勝甚深三昧境界覺了諸佛神通明智解脫法門善男子南方有城名海別住有優婆夷名辯具足汝詣彼問菩薩云何學菩薩行修菩薩道時善財童子聞是語已歡喜踊躍生尊敬心獲得希有信樂寶心成就廣大利衆生心悉能明見一切諸佛出興次第降生成道說法涅槃最勝清淨究竟圓滿悟入甚深微妙智慧普於諸趣皆隨現身了知三世差別境界獲得無盡大功德藏放大智慧自在光明開三有城所有關鍵趣向佛智究竟苦

提頂禮其足繞無數匝殷勤瞻仰辭退而去
爾時善財童子隨順思惟善知識教正念觀
察殷勤渴仰心無厭足猶如巨海受大雲雨
吞納衆流作是念言善知識教如巨日生
長一切善法根苗善知識教如秋滿月凡所
伏于
照觸身意清涼善知識教如夏雪山能除一
切諸獸熱渴善知識教如芳池日能開一切
善心蓮華善知識教如日珠輪照引衆生至
法寶處善知識教如闍浮樹開敷一切福智
華果善知識教如大龍王自在興布妙法雲

雨善知識教如妙高山種集種種無漏功德
三十三天莊嚴止住善知識教如天帝釋功
德諸天所共圍繞能破愛見阿脩羅軍如是
思惟漸次前行至海住城周徧求覓比優婆
夷時彼衆人咸告之言善男子彼優婆夷在
此城內住自宅中善財聞已即詣其門合掌
而立見其舍宅廣博殊麗種種莊嚴衆寶垣
牆周匝圍繞四面皆有寶莊嚴門善財入已
見優婆夷處於寶座妙年盛色容貌端嚴不
御華瓔素服垂髮威光殊特人所樂見除佛

菩薩餘無能及有勝威力有廣大心令諸衆
生見聞親近咸生尊重愛敬之心於其宅中
敷十億座超諸人天一切所有皆是菩薩業
力所成宅內無有衣服飲食及餘嚴具但於
其前置一小器復有十千童女圍繞一切妙
寶莊飾其身言音和雅常侍左右瞻仰承順
情無厭怠身出妙香普熏城內及徧虛空一
切人天聞其香者於菩提心皆不退轉其餘
衆生遇斯香者身心柔軟無怒害心無怨結
心無憤嫉心無諂誑心無險曲心無貪愛心

無瞋恚心無幻偽心無下劣心無高慢心無
邪僻心無障礙心無執著心住平等心起大
慈心發利益心住律儀心離貪求心聞其聲
者歡喜踊躍見其身者悉離貪染爾時善財
即前頂禮優婆夷足右繞恭敬合掌而立白
言聖者我已先發阿耨多羅三藐三菩提心
而未知菩薩云何學菩薩行修菩薩道我聞
聖者善能誘諉願爲我說彼即告言善男子
我得菩薩無盡福德莊嚴藏解脫門能於如
是一小器中隨諸衆生種種欲樂如應爲出

伏+

種種甘美上好飲食色香味觸悉皆充足善
男子我此器中所出飲食假使百衆生千衆
生百千衆生億衆生百億衆生千億衆生百
千億衆生那由他衆生乃至不可說不可說
衆生假使閻浮提極微塵數衆生一四天下
極微塵數衆生小千世界中千世界大千世
界極微塵數衆生乃至不可說不可說佛刹
極微塵數衆生假使十方一切世界極微塵
數衆生隨其欲樂悉令充滿飢渴銷除身心
安樂智慧增長然其飲食無有窮盡亦不減

少如出飲食乃至能出種種牀座種種敷具
種種繒綵種種衣服種種車乘種種幢旛種
種軒蓋種種華鬘種種瓔珞種種珍寶種種
散香種種丸香種種塗香種種燒香種種末
香乃至種種如法資具隨其來者普心給施
八十
不擇怨親貴賤貧富如所意願悉令豐足皆
於我所生尊重心生恭敬心生無厭心生調
伏心善男子假使東方一世界中所有衆生
修習聲聞獨覺乘者食我食已皆證聲聞獨
覺乘累住最後身如一世界如是次第百世

界半世界百千世界億世界百億世界千億
世界百千億世界百千億那由他世界閻浮
提極微塵數世界一四天下極微塵數世界
小千世界極微塵數世界中千世界極微塵
數世界大千世界極微塵數世界乃至不可
說不可說佛刹極微塵數世界其中所有一
切衆生修習聲聞獨覺乘者食我食已皆證
聲聞辟支佛果住最後身南西北方四維上
下亦復如是又善男子如東方一世界乃至
不可說佛刹極微塵數世界其中所有最後

身菩薩食我食已皆詣最勝菩提道場降伏
魔軍成等正覺南西北方四維上下所有一
世界乃至不可說不可說佛刹極微塵數世
界其中所有最後身菩薩食我食已皆得往
詣最勝道場降伏魔軍成等正覺善男子汝
見我此十千童女眷屬以不答言已見優婆
夷言善男子令我所有菩薩眷屬百萬阿僧
祇此十千童女而爲上首皆悉與我行同類
行同一大願同一善根同出離道同清淨解
同清淨信同清淨念同清淨趣同清淨智同

無量覺同淨諸根同普偏心同廣大心同所
行境同所證理同決定解同明了法同淨妙
色同無量力同最精進同正法音同隨類音
同清淨音同第一音同讚功德同清淨業同
伏十
清淨報同廣大慈同普偏悲同普救護同偏
十二
成熟同淨身業隨緣現起如所應見皆令歡
喜同淨語業於法自在隨俗訓釋宣布法化
同能普諸諸佛道場同能普往一切佛所供
養承事同現覺智悉解諸佛差別法門同得
安住一切菩薩清淨行地善男子是十千童

女能取此食於一念頃偏至十方供養一切
住最後身諸大菩薩及供一切聲聞獨覺乃
至偏詣十方世界諸餓鬼趣皆令充足除其
饑渴善男子此十千童女又取我食能於天
中充足天食亦於龍中充足龍食乃至能於
人非人中隨其所須施諸飲食悉令充足我
此器中曾無減少何況有盡善男子且待須
臾汝當自見說是語時善財即見無量衆生
從四門入皆優婆夷本願所請既來集已敷
座令坐隨其所須給施飲食乃至種種上妙

資具悉令充足令諸衆生心生歡喜安隱適
悅互相慶慰而此器中所出之物無滅無盡
時優婆夷作此施已告善財言善男子我唯
知此菩薩無盡福德莊嚴藏解脫門如諸菩
薩摩訶薩無盡福德大莊嚴藏甚深無底猶
伏十
如大海廣大無際猶若虛空滿衆生心如如
意珠所求皆得如大寶聚擁護一切如輪圍
山長諸善根如大雲雨守護法藏猶如關鑰
普集法寶如妙高山破無明闇猶如燈燭普
蔭羣生猶如高蓋而我云何能知能說彼功

德行善男子南方有城名爲大有彼有長者
名具足智汝詣彼問菩薩云何學菩薩行修
菩薩道時善財童子頂禮其足繞無數帀般
勤瞻仰辭退而去爾時善財童子得菩薩無
盡莊嚴福德藏解脫門已隨順思惟彼福德
大海觀察彼福德虛空向彼福德聚登彼福
德山攝彼福德藏飲彼福德泉游彼福德池
淨彼福德場見彼福德藏入彼福德教開彼
福德眼行彼福德道植彼福德種漸次而行
至大有城周徧詢求明智居士於善知識心

生渴仰念善知識心無間斷慕善知識志樂堅固方便求見諸善知識常無厭足願得承事諸善知識精勤匪懈以善知識熏修其心知由依止善知識故能滿衆善知由依止善知識故能生衆福知由依止善知識故能長衆行知由依止善知識故不由他教自能承事一切善友知由依止善知識故清淨一切菩薩諸根如是思惟長其善根深其志樂益其德本廣其大悲近一切智具普賢道照明一切諸佛正法增長菩薩所有行願明照如

來十力智光爾時善財見彼居士在於城內市四衢道七寶臺上處於衆寶莊嚴之座其座妙好無數清淨如意寶王以爲其身種種金剛帝青摩尼以爲其足寶繩珠網以爲交絡無垢藏珠寶而校飾之復以五百妙寶形像而爲莊嚴敷天寶衣建天幢旛張大寶網施大寶帳闔浮檀金以爲其蓋淨琉璃寶以爲其竿令人執持以覆其上鵝王羽翮以爲其扇白栴牛尾以爲其拂悉以離垢妙寶莊嚴天諸童子執侍左右熏衆妙香雨衆天華

晝夜常奏五百樂音其音美妙過於天樂衆生聞者無不歡悅十千眷屬前後圍繞色相端嚴人所喜見天莊嚴具以爲嚴飾出過天人最勝無比悉已成就菩薩志欲皆與居士同昔善根侍立瞻對承其教命時彼城內一切衆生及虛空中所有天衆於居士所生隨順心生愛樂心生歡喜心以心隨順歡喜愛樂善知識故即起一切天拘蘇摩妙寶華雲普雨一切天拘蘇摩妙寶華雨是諸人天亦與居士社昔同種清淨善根爾時善財見是

事已前禮其足繞無數帀合掌而立白言聖者我爲利樂諸衆生故發阿耨多羅三藐三菩提心爲令一切衆生滅除苦難故爲令一切衆生究竟安樂故爲令一切衆生出生死海故爲令一切衆生入法寶洲故爲令一切衆生枯竭愛河故爲令一切衆生起大慈悲故爲令一切衆生捨離貪著故爲令一切衆生渴仰佛智故爲令一切衆生越度生死大曠野故爲令一切衆生愛樂諸佛勝功德故爲令一切衆生出三界城故爲令一切衆生

伏

十五

入一切智城故以如是等種種利益發菩提心而未知菩薩云何學菩薩行云何修菩薩道而能攝護一切衆生爲諸衆生作依止處我聞聖者善能誘誨願爲我說居士告言善哉善哉善男子汝乃能爲如是利故發阿耨多羅三藐三菩提心善男子發阿耨多羅三藐三菩提心是人難得若能發心是人則能求菩薩行心無動轉值遇善知識心無厭足親近善知識心無勞倦承事善知識心無憂感供養善知識終不退轉愛念善知識終不

放捨渴仰善知識無暫懈息求覓善知識無時憇止行善知識教未曾怠惰稟善知識命心無誤失善知識者有大威力難得親近承事供養若能給侍瞻禮讚歎心無憂悔則得具足一切功德不爲煩惱毒亂其心善男子汝見我此十千眷屬衆會人不答言已見居士言善男子我已令其發阿耨多羅三藐三菩提心生如來家增長白法安住無量諸波羅蜜學佛十力離世間種住如來種壞生死輪轉淨法輪滅三惡趣住正法趣如是等諸

菩薩行悉能成就普能救護一切衆生善男子我得隨意出生福德藏解脫門一切衆生凡有所須悉滿其願所謂須食與食須飲與飲如是種種衣服瓔珞華鬘縉綵燒香塗香末香金銀真珠珍奇衆寶種種幢旛種種軒蓋房舍屋宅倚卧之具種種燈燭病緣湯藥種種船舶象馬車乘奴婢牛羊及諸侍使如是一切資生之物亦復能與天冠寶飾髻中明珠乃至所愛妻妾男女眼耳鼻舌皮肉骨髓身體手足不揀貧富貴賤好醜隨其來意

皆悉與之乃至爲說真實妙法使令修證究竟圓滿善男子且待須臾汝當自見說是語時無量衆生從種種方所種種世界種種國土種種城邑種種聚落種種居處形類差別愛樂不同其數無量皆以菩薩往昔願力俱來集會爾時居士知衆雲集普偏觀察繫念須臾仰視虛空如其所須悉從空下相續流入居士掌中隨諸衆會一切願求皆手授與普令滿足既滿願已生大歡喜身色光悅心意調柔堪任受化然後爲說種種妙法所謂

得充足諸美食者與說種種集福德門演說
一切離貧窮行演說富饒甘露財行演說法
智大尊重行演說相好莊嚴身行成就威德
降魔怨行成就法喜禪悅食行增長成就難
屈伏行善能了達無上食行令得常命色力
伏十
安辯具足法門爲得充足諸好飲者與其說
法令於生死捨離渴愛欣樂佛乘入深法味
爲得充足諸上味者與其說法皆令具足充
滿法味證得如來味中上味爲得充足種種
舟船及車乘者與其宣說出離法門皆令越
十七

度生死大海載於最勝無上大乘爲得充足
諸衣服者與其說法令得清淨慚愧之衣乃
至如來清淨妙相金色皮膚如是一切資生
之物隨意與之靡不周贍然後悉爲如應說
法隨其所宜各令悟入無上清淨智慧法門
既聞法已還歸本處爾時居士爲善財童子
顯示菩薩不可思議解脫境界已告言善男
子我唯知此隨意出生福德藏解脫門如諸
菩薩摩訶薩成就寶手偏覆十方一切世界
爲供養佛普施衆生以自在力興種種色寶

雲雨種種色寶雨所謂種種色瓔珞種種色寶冠種種色妙鬘種種色世服種種色法衣種種色嚴具種種色寶華種種色妙香種種色塗香種種色末香種種色襍閣種種色寶蓋種種色幢旛種種色音樂其聲美妙歌讚佛法乃至種種資生之具普偏一切衆生住處充滿一切佛刹道場悉以供養一切諸佛亦爲成熟一切衆生而我云何能知能說彼諸功德自在神力善男子於此南方有一大城名師子宮彼有長者名尊法寶髻汝往彼

問菩薩云何學菩薩行修菩薩道時善財童子歡喜踊躍深自慶幸知因一切善知識故圓滿功德於善知識尊重謙卑如弟子禮作如是念由此居士開悟於我令我得聞希有之法由是思惟不斷愛念善知識見不壞尊_{伏十}重善知識心常樂受行善知識教決定信順_{十八}善知識語敬善知識展轉增勝事善知識心無退轉頂禮其足繞無數帀殷勤瞻仰辭退而去

大方廣佛華嚴經卷第十

音釋

癘

病也
戶間切

瘡

相邀切

消

中之疾也

瀑

與暴同

蒲

報

切

瘧

鴟

居

阿

渠

摩

渠脊

爾

摩

渠桶

文

慈

氏

派

氏

矜

切

痖

瘧也

瘧

瘧也

永樂北藏

華嚴經普賢菩薩行願品

第三〇冊